

陳建成：渡鳥

（桃紅字：表聲音內容）

有時陣豪情放伴
有時陣懷志獨行
感念恁猶掛心冥冥結緣的遷徙
佇欲望氾溢的海陸之間
會當留一片濕地給我落腳

淡薄的魚栽水蟲
小可仔補眠歇喘
慶幸父母送我一對硬插的翅股
佇神魔交征的混沌國度
會當擋一暝無停的西北雨

我徘徊紅樹林
苦苦深思
聲聲啼叫相問
有啥款的禱辭
佇明仔載離別起飛
朝陽近天彼一刻
會當為恁解消纏綴的惶茫
溫潤累世的滄桑